


漢書門  
類號函架冊  
一六〇八  
〇〇〇

內閣文庫  
漢書  
類號冊架  
一六〇八  
〇〇〇

內閣文庫	
番號	漢 12608
冊數	160( 38 )
函號	300 · 211


卅四











重校聖濟總錄卷三十四

震澤汪鳴珂瑤圃全弟鳴鳳蘭圃校

程 勛懋哉校訂

中暍門

中熱暍 中暍悶絕

瘧疾門

寒瘧 溫瘧 寒熱往來瘧 痺瘧

中暍統論

論曰盛夏炎熱人多冒涉路途熱毒易傷微者客



於陽經令人嘔逆頭眩心神懊悶汗出惡寒身熱發渴即時不治乃至熱氣伏留經絡歲久不除遇熱即發俗名暑氣甚者熱毒入內與五臟相併客邪熾盛鬱痰不宣致陰氣卒絕陽氣暴亡經絡不通故奄然悶絕謂之中暈此乃外邪所擊真臟未壞若遇藥救氣通則甦但治熱暈不可以冷物得冷則不救蓋外以冷觸其熱蘊積於內不得宣發故也

中熱暈


論曰熱暈之病由冒犯暑熱邪氣也其脈絃細乳遲其狀汗出惡寒身熱而渴身重疼痛小便已則洒洒然毛聳四肢厥冷微勞動則熱口開齒燥經所謂脈虛身熱是為傷暑此不可汗下若汗下之則惡寒更甚宜以去熱邪藥治之則愈

白虎湯方 治中熱暈頭痛汗出惡寒發熱而渴

知母 去毛 六兩 石膏 研一 斤 甘草 生二 兩 糯米 六 合

右搗篩水煎五錢空心溫服日二三服一方加

人參三兩





小香薷飲方 治伏暑吐逆中暈

香薷穗

二兩

人參

一兩

白扁豆

炒五錢

右擣篩水煎三錢空心溫服

解毒丸方 治傷暑中暈

半夏

醋浸一宿晒乾

甘草

炙各一斤

赤茯苓

二兩

共末生薑汁杵丸如小豆大空心汲水下五丸如昏悶不省人事薑汁水下

竹茹湯方 治中暈煩渴不止

竹茹

一合

甘草

一分

烏梅肉

炒二枚

右擣篩水煎時時細呷愈

小抱龍丸方 治伏暑頭痛心胸煩悶旋運惡心

不思飲食

半夏

米醋煮透晒乾

甘草

蜜炙等分

共末薑汁煮糊丸如小豆大陰乾新汲水下十五丸臨臥再服

檳榔餅方 治暑氣到夏月即發四肢無力不思

飲食

檳榔

瞿麥穗

藿香子

荊芥穗

麥藍



子 大黃炒一兩

共末用麪三錢水和作六餅慢火烘乾空心溫

酒細嚼一餅酒下

香薷散方 治中暑煩躁

香薷穗二錢

右爲末水煎二錢空心溫服日二

消水散方 治中暑煩躁多困乏力

人參 白麪一兩

共末空心汲水下二錢

甘露散方 治暑氣

川連一兩 吳茱萸五錢

右二味同炒茱萸爲度嘗地出火毒揀去萸用

連爲末食後茶清或汲冷水下五分

菝葜散方 治伏熱煩躁困悶

菝葜 貫衆去毛一兩 人參 炙甘草五錢

右擣篩水煎三錢空心溫服日二如熱渴卽冷

作飲下

解毒散方 治中暑胸膈困悶昏暈倒仆欲死



商陸根切開如血色者陰乾

右爲末空心新汲水下一錢匕凡牛馬等畜喘急發熱倒臥水和三錢灌下立止

大黃丸方 治中暑毒及心經積悶躁熱

大黃炒 炙甘草 川連炒 惡實炒 荆

芥穗等分

共末鍊蜜和丸如小豆大空心水下二十九

甘露丸方 治中暑熱躁悶

寒水石火煨放井中浸七日研四兩 天竺黃五錢 馬牙硝二兩

生甘草一兩 冰片研五錢

共末糯米粥和丸芡實大薑蜜水下丸

抱龍丸方 治暑毒躁悶

片苓 大黃醋微炒 黃藥子 懷生地 板藍

根 甘草一兩 雄黃醋煮研五錢 冰片 麝香一錢

共末用黃牛膽汁杵丸如彈子大空心冷鹽湯下一丸

不灰木散方 治中暑毒煩渴狂躁嘔吐頭疼

不灰木 滑石 寒水石 甘草一兩 蓼藍



根兩半

共末用粟米汁入沙糖一匙下二錢

救生散方 治中暑毒煩躁渴悶

脂麻

新者三兩  
慢炒黑色

右為末用新汲水下三錢以差為度 凡暑熱

切不可冷物逼之得冷即斃

冰壺散方 治中暈

不灰木 金星石 銀星石 太陰元精石

生研 馬牙硝五錢

炙甘草 硝石一分

右擣篩各研末炒良久共研勻新汲水空心下

一錢以差為度服之解暑毒除煩燥

中暈悶絕

論曰中暈之病令人悶絕者乃熱毒傷於臟也蓋心臟神而惡熱若冒觸暑毒蘊蓄於五臟則陰陽不能升降經絡不得宣通故奄然悶絕然真臟未壞救療有方使呼吸之氣宣通即甦亦不宜待其自甦又不可使之犯冷若外犯冷則與熱氣相拒氣愈不通而速斃矣宜慎之



治熱暈欲死悶亂方

生地黄

洗搗取汁一鍾

右一味令人旋旋灌之即甦

治中暑毒熱暈不省方

上白麩

不拘多少

右一味用熱湯和三錢令人灌之即差

治中熱不省人事方

大蒜

去衣搗爛

右一味用新汲水調和灌之差

又方

右用濕泥圍中暈人臍使二三人溺其中不可使流去此路上無湯可用乃令人溺取有溫湯不必溺也仲景云不可泥及車缸恐此物冷暈人忌冷若得熱湯和泥及火燒車缸可用也

又方

生菖蒲

不拘多少

右搗取汁微溫一鍾令人灌之愈

又方



掘池作小坑子以蜜半鍾傾坑內入新汲水二三鍾攪勻取起放碗內澄清水漿一鍾灌之差又方

生蓼

一大把水洗

右煎濃汁一二鍾灌之差

治中熱暈死方

取路上熱塵土以壅其心冷復易之候患人氣通乃止

治熱暈欲死悶亂方

以口噓其心上便擣生地汁一鍾灌之仍炙乳兩頭七壯愈

陳皮湯方

治中熱暈垂死

陳皮

去白炒

黑乾薑

炙甘草

一兩

右擣篩水煎三錢稍冷嚙勿頓與之以蘇為度備急救生丸方 治中暈垂死

黑乾薑

炙甘草

黃藥子

板藍根

四兩

黑犀角

一兩

共末鍊蜜和丸如彈子大空心湯化一丸立效



黃連散方 治中暑精神悶亂

川連 雞爪者不拘 多少去鬚

右為細散燈心湯下二錢得洩愈蓋心惡熱若

心熱傳入小腸則氣下通故得洩則愈以燈心

通利小便故也

凝水石丸方 治中暑熱毒悶亂昏沉

凝水石 煨赤研 如粉 乾薑 燒灰存 性一兩 甘草 三錢 甜硝

五錢

共末鍊蜜杵丸如彈子大空心薑湯化下一丸

萬全散方 治中暑不省人事者

硫黃 蛤粉 一兩

共研細末新汲水下一錢

玉珠散方 治中暈冒悶吐逆頭痛出冷汗

硫黃 船上者 滑石 凝水石 煨赤研 一兩

共研細末艾湯下一錢

諸瘧統論

論曰夏傷於暑秋成痲瘧該於夏而作也方夏之時陰居於內暑雖入之勢不能動候得秋氣陽為



之動變汗出遇風乃成此疾故名曰瘧瘧皆生於風蓄作有時其氣陰陽上下交爭虛實更作陰陽相移也陽併於陰則陰實而陽虛陽明虛則寒慄鼓頷巨陽虛則腰背頭項痛三陽俱虛則陰氣勝陰氣勝則骨寒而痛寒生於內故中外皆寒陽盛則外熱陰虛則內熱內外皆熱則喘而渴故欲冷飲因傷於暑熱氣盛藏於皮膚之內腸胃之外此榮氣之所舍也令人汗空踈腠理開因得秋氣汗出遇風及得之於浴水氣舍於皮膚之內與衛氣

並居衛氣者晝行於陽夜行於陰此氣得陽而外出得陰而內薄內外相薄是以日作日作者氣之所舍深也作之早晏者隨風府日下一節也是以或先寒後熱或先熱後寒或但熱無寒或本於痰或本於瘴癘或本於鬼神或本於邪氣大槩外傳經絡內入五臟證既不同治法亦異凡治瘧者不辨陰陽虛實概以吐藥投之有非痰實而真氣受斃者固多其內經論五臟諸經之瘧本以刺法補瀉其寒熱先後與夫正發早晏又皆不同明辨邪



氣所傳不可一概而論今備載諸證本末參以治之輕重要在隨證而施庶幾乎無一曲之蔽也

寒瘧

論曰寒瘧之狀內經謂先寒而後熱病以時作是也蓋傷暑汗出腠理開發因遇夏氣淒滄之水寒其氣藏於皮膚腠理之中秋傷於風則病成矣其證先起於毫毛伸欠乃作寒慄鼓頷腰脊俱疼寒去則內外皆熱頭痛飲冷是也

吳茱萸湯方 治先寒後熱頭痛不可忍熱極即

汗出煩渴

吳茱萸

洗炒一兩 羌活

去頭半兩 半夏

薑汁炒 川芎

黑乾

薑

薑

麻黃

去根節

高良薑

細辛

甘草

蜜炙

藁本

桔梗

炒一分

右搗篩水煎三錢未發前先服

檳榔湯方

治寒瘧神效

檳榔

常山

桂心

陳皮

去白炒

甘草

炙一兩

右搗篩用酒水合煎三錢未發時先服

陳皮散方

治寒瘧不差者



陳皮去白炒 杜蠟燒赤童便 桂心 常山五錢

共末未發時空心酒下三錢日三

鼈甲常山酒方 治瘡先寒戰解即壯熱

鼈甲醋炙一分 淡竹葉一分 甘草 常山三分

右擣篩用酒半鍾浸一宿次早加水煎未發時溫服得吐為效

柴胡桂薑湯方 治瘡寒多熱少

柴胡四兩 桂心 芩苓兩半 甘草 乾薑

牡蠣 括樓根二兩

右擣篩水煎三錢溫服初服微煩汗出乃愈

蜀漆散方 治寒瘡

蜀漆水洗去腥焙 雲母火煨一晝夜 龍骨一兩

共末未發時漿水調下五分

草豆蔻飲方 治寒瘡

草豆蔻去皮 高良薑 常山 青皮去白炒 陳

皮去白炒 生薑半分 淡竹葉一把 黑豆五十枚

右擣篩水煎三錢未發先服

牡蠣湯方 治寒瘡



牡蠣童便

麻黃去根節

甘草炙二兩

蜀漆洗焙

三兩

右擣篩水煎四錢未發時空心先服已發又服

人參湯方 治寒瘧胸滿

人參五錢

川椒炒出汗

乾薑一兩

阿魏三分

去砂麩和作餅炙

共擣末水煎三錢空心溫服

烏梅丸方 治寒瘧不止

烏梅肉炒

桃仁去皮尖炒

常山

豉炒三分升麻

肉蓯蓉

酒浸洗

人參

甘草炙

桂心一兩

共末鍊蜜杵丸如梧桐子大空心酒下二十九

至三十九

常山湯方 治瘧先寒後熱

常山

甘草

乾薑一兩

附子

柴胡五錢

右擣篩酒煎五錢未發時溫分二服

虎骨丸方 治一切寒瘧無問遠近

虎骨

酥油炙

人參

甘草

桂心

烏梅肉

炒五

錢桃仁

去皮尖炒

肉蓯蓉

常山

升麻三分

附

子五錢

麝香

研一錢

豉炒一錢



共末鍊蜜和丸如梧桐子大未發時飲下三十丸

二薑散方 治寒瘧不差

黑乾薑 高良薑一兩

右二味同炒黑為末空心酒下一錢日三

鼈甲酒方 治寒瘧不差

鼈甲醋炙五錢 烏賊魚骨去甲 附子 常山 炙

甘草一兩

右搗篩酒浸五錢次日以酒塗手足並背上如不

發即止發時飲此酒一鍾

又方

附子一枚生用

右細研為末用酒和塗病人背心上佳

溫瘧

論曰溫瘧之狀內經所謂先傷於風後傷於寒其證則先熱後寒病以時作是也蓋風為陽氣寒為陰氣風氣先勝故先熱而後寒得之冬中風寒氣藏於腎內至骨髓至春陽氣大發邪氣不能自出



至夏大暑腦髓爍肌肉消腠理發洩或有所用力邪氣與汗俱出故氣從內之外其法宜先治其陽後治其陰則瘧自除

麻黃湯方 治傷寒溫瘧初發身熱吐痰嘔逆頭痛不可忍臨醒時即寒慄戰動

麻黃去根節 羌活 丹皮 山梔 獨活 柴

胡 桔梗炒 荆芥穗 木香 升麻 半

夏 片苓 大黃炒 知母各半兩

右搗篩入生薑二片水煎三錢未發時先服

蘆根湯方 治初壯熱後寒戰骨節痠疼口乾煩渴

蘆根 石膏一兩 麥冬 升麻 葛根三分

山梔五錢

右搗篩水煎五錢入竹葉十片未發前連三服

知母湯方 治瘧骨節疼痛時嘔朝發暮解暮發朝解

知母二分 甘草一兩 石膏三兩 桂心五錢 粳

米一合



右搗篩水煎五錢入米一撮候未發時先服

地骨皮湯方 治瘧壯熱憎寒不能下食

地骨皮 知母三分 鼈甲醋炙 常山五錢 石

膏

右搗篩水煎五錢入竹葉十片未發先服

冬瓜汁湯方 治溫瘧寒多熱少

常山一兩 甘草炙五錢

右用冬瓜取汁一盞煎七分未發先服

常山湯方 治溫瘧

常山五錢 鼈甲醋炙 甘草一兩 車前子三分

右水浸藥三錢一宿當未發前一時急火煎服

松蘿湯方 治溫瘧熱渴體痛

松蘿 烏梅肉 山梔 鼈甲炙五錢 升麻三分

右搗篩水煎三錢入好茶末五分未發時溫服

常山丸方 治一切等瘧口渴者

常山 烏梅肉 天靈蓋用酥油慢炙黃研 大豉炒

分 蜀漆洗炒 丹砂 知母鹽酒炒

共末鍊蜜杵丸如小豆大空心酒下二十九漸



加至十九日三

常山飲方 治溫瘧壯熱微寒

常山

如雞骨者五錢

淡竹葉

一把

小麥

合一

右三味水浸一宿次早急煎取未發時空心溫服但老年久病之人及虛弱者煎三錢服

常山湯方 治溫瘧羸瘦欲成骨蒸

常山

如雞骨者

猴骨

酥油炙黃三分

天靈蓋

燒灰存性一分

車前

草葉

一把

烏梅肉

炒

甘草

炙五錢

右搗篩水煎三錢露一宿次早空心於未發時

先溫服取微吐效

寒熱往來瘧

論曰陰陽相勝而寒熱互作者以邪氣相并也故氣并於陰則為寒氣并於陽則為熱寒則振慄鼓頷以陰實陽虛故也熱則渴而飲冷以陰衰陽勝故也

柴胡桂枝湯方 治瘧寒熱往來

柴胡

四兩

桂枝

人參

片苓

芍藥

兩半

甘草

半兩

半夏

一兩



右擣篩入薑一片棗一枚水煎六錢去滓溫服  
日二

鼈甲湯方 治瘧壯熱憎寒大便秘澀

- 鼈甲
- 赤芍藥
- 大青
- 桃仁去皮尖炒
- 天靈蓋
- 知母三分
- 川歸
- 乾薑五錢
- 牽牛子半生半炒

右擣篩水煎三錢去滓入靈蓋末一錢溫服仍  
留其滓重煎若先自利去牽牛子

麻黃湯方 治諸瘧先熱後寒頭痛四肢煩倦

- 麻黃去根節
- 柴胡
- 麥冬
- 秦艽
- 甘草
- 烏梅肉三分
- 青蒿子
- 常山一兩
- 犀角三分

右擣篩水煎五錢入桃柳枝心各七節鼓五十  
粒煎去滓入朴硝少許更煎一二沸分二服

常山飲方 治瘧先寒後熱四肢黃瘦頭痛

- 常山一兩
- 柴胡
- 葛根
- 牡蠣燒赤童便淬
- 大黃
- 醋微炒知母鹽酒炒
- 升麻
- 前胡
- 山梔
- 枳殼
- 去瓢炒半夏薑汁炒
- 桃仁去皮尖炒
- 麥冬
- 甘草
- 犀角五錢
- 大豉炒一合



右擣篩水煎五錢入葱薤白各三寸空心熱服

日二

人參湯方 治瘧寒熱作時面色黃

人參 常山五錢 甘草 陳皮去白炒三分

右擣篩水煎五錢入茶末燈心二味去滓入酒

半鍾未發時先服取吐如未吐再服以痰盡為

度

犀角湯方 治瘧經吐下後寒熱頭疼煩渴

犀角 甘草五錢 升麻 麥冬 鼈甲 知

母三分 石膏兩半

右擣篩水煎五錢未發時先服

丹砂丸方 治瘧疾寒熱往來

丹砂 雄黃醋煮研一兩 白砒五錢 桃仁去皮尖炒二十

一枚 麝香 安息香 阿魏一錢

共研糯米粥和丸如芡實大新汲水嚼半丸取

吐愈

二豆丸方 治諸瘧發止寒熱不定

菉豆 黑豆去皮 丹砂 白砒研半兩



右四味先研二豆如麪入砒拌勻滴水丸如梧  
桐子大丹砂為衣每服一丸發前取桃心七  
箇爛嚼冷水吞下如無桃心取桃枝煎湯放冷  
下

常山散方 治瘧寒熱往來止而復發

常山一兩 白砒一分 丹砂一分

共各研細和勻白麪糊調作餅子入麻油內煎  
焦黑為度再研細夜半每服五分匕冷茶清調  
下

三聖丸方 治瘧作寒發熱不止

凝水石二兩研極細 白砒二兩 膩粉一分

右三味共各研極細和勻用陳粟米飯和作挺  
子濕紙十重裹之慢火內燒焦黑再研細用陳  
粟米飯杵為丸如小豆大以桃仁水半夜下三  
丸

常山飲方 治瘧作寒發熱不止

常山五錢 烏頭七枚 甘草生一分 蒜一顆八瓣者  
米炒 豉炒一寸 甌帶三寸





右搗篩用酒一升二合浸藥月下露一宿橫刀一把於藥上天明煎五合空心頓服良久吐下惡痰愈如吐不已用稀粥止之

附子丸方 治諸瘰寒熱往來

附子 大黃微炒三分 常山 蜀漆一分

共末鍊蜜杵丸如小豆大空心用米飲下三九日二以差為度

鼈甲大黃丸方 治寒熱往來瘰久不差

鼈甲 大黃生剉 附子 人參 甘草 常

山 蜀漆 白薇各三分

共末鍊蜜和丸如梧桐子大用竹葉湯平日服十五丸良久又下

瘰癧

論曰瘰癧之狀內經所謂但熱不寒陰氣先絕陽氣獨發少氣煩冤手足熱而欲嘔是也得之邪熱留於身中厥逆上冲氣實而不外洩因有用力腠理開踈風寒客於皮膚之內分肉之間而發發則陽氣盛不及於陰故但熱不寒氣內藏於心外舍



於分肉之間令人消爍肉名曰瘧瘧以單陽無陰故也

茵陳蒿湯方 治瘧瘧發作有時但熱而不寒頭痛不安通身俱黑及大腸祕結小便赤黃等證

茵陳蒿 柴胡 黑山梔 片苓 桔梗

麻黃去根節 荆芥穗 升麻 半夏薑汁炒 羌活

獨活 牡丹皮 川貝母 杏仁五錢 細

辛一分

右搗篩入生薑二片水煎三錢臨發時熱服但

此瘧止發熱並初發時先壯熱者可服

茵陳蒿湯方 治瘧瘧上焦熱身重目黃

茵陳蒿 枳殼去白炒 桔梗炒三分 甘草 大

黃炒五錢

右搗篩水煎三錢空心溫服日二以差為度

白虎加桂湯方 治瘧疾陰氣孤絕陽氣獨發脈

微少氣煩滿手足熱欲嘔但熱而不寒邪氣內

藏於心外合於分肉之間令人消爍肉

石膏研一兩六錢 知母鹽酒炒六錢 甘草蜜炙二兩 粳米炒半



右四味用汲水一升煮藥五錢入粳米一撮以米爛為度去滓入桂末三錢再煎取四合作一服稍熱服取汗先寒發熱汗出愈

香豉飲方 治瘧瘧但熱不寒嘔逆不已

香豉炒半合 葱白洗七莖 鼈甲醋浸炙 知母鹽酒炒 生

地兩半 檳榔三分 常山三分 升麻兩一

右剉如麻豆以水浸藥五錢於星月下露一宿橫刀一把於上次早煎分二服重者二劑差

大青飲方 治瘧瘧積熱痰盛寒少熱多但熱不

寒煩躁引飲

大青一兩莖葉俱紫者是不紫是遠志不可用如無真者以青黛代之 大黃

炒 芍藥 甘草炙 常山細剉炒 草龍膽五錢

右擣篩用水煎五錢空心溫服氣盛熱多宜服得利或熱稍退即止人素有冷疾年四十以上者雖有熱證不宜多服

常山散方 治瘧瘧發熱不止

常山兩一 升麻一分 鼈甲醋炙透 黑山梔五錢



共為末空心溫酒下三錢晚再服取吐差

豉心湯方 治瘧瘧但熱不寒

豉心合一 雄鼠糞炒二錢 童便三升半 黑山梔三分

柴胡一兩一分 鼈甲一分 甘草五錢 烏梅肉七枚 生

地汁二分 生薑汁一分 桃枝心 柳枝心各一

把

右外除鼠糞地薑汁小便餘細剉將藥入小便浸一宿於星月下次早煎去滓入鼠糞地薑汁煎分三服一日用

梔子湯方 治瘧瘧熱甚不差

山梔一兩 常山三分 車前葉炙五錢 粳米

右搗篩水煎五錢未發與臨發時各一服以吐利為度若不止以冷粥止之

石膏湯方 治瘧瘧熱甚不差

石膏研二兩 白粳米五十粒 常山三分

右搗篩水煎五錢入竹葉二七片空心欲發與正發時各一服靜臥勿與人語俟過發時再洗手面飲食七日內禁房事及酒麪熱物久瘧不



過二劑 一方加烏梅

麻黃丸方 治痺瘧

麻黃去根節 常山 大黃生 知母 甘草

錢五

共末鍊蜜和丸如梧桐子大未發時水下五七

丸未差稍增丸數

車前草湯方 治痺瘧壯熱不止渴欲飲水

車前草 常山 生甘草 升麻 大豉炒

錢 粳米合半

右擣篩水浸五錢於星月下露一宿上橫刀一

把次早五更煎空心溫分二服良久即吐吐定

以漿粥止之

常山飲方 治痺瘧但熱不寒煩渴不止

常山 生甘草 烏梅肉炒 青蒿五錢 竹

葉二十片

右童便白酒各一鍾微煎露星月下一夜上橫

刀一把次早空心溫服及當發時各一服以差

為度



直木基三源糸金

卷三四

三

持遠堂





